

**BORN:**

*December 24th, 1924
(died May 7th, 2002)*

BIRTHPLACE:

*Nihtavan Diniinlee,
Yukon Territory, up the
Arctic Red River*

PARENTS:

*(Jean Tsai) John Andre
and Julienne T'eh
Deech'yaa*

GWICH'IN:

Gwichya Gwich'in

MARRIED:

*Caroline Kendo, July 16,
1949*

CHILDREN:

*James, John (d), Ernie,
Beverly, Linda, Charles
(d), Loretta, Richard,
Robert (d), Edna (d),
baby girl (d), Andy,
Doreen, Mary and
Russell (adopted)*

gwuuzii nihaanzree ts'at dinjii vigwitr'it gwuuzii t'agwah'ya. Eii gwik'it dinjii humlyaa gadunjishzhit." 1944 dai' viti' zrit ts'ik nunt'au dai' k'ughe' vakwaa, Antoine vahanh, vachaa ts'at vijidh kat guk'anahtii geenjit vats'an gwaltsau lee. Eoo hah gweenjit gwitr'it t'agwah'in', nilzre', khyah dhidlii ts'at luk kadi'in' au t'ee vachaa vaghauii goonlii adagwidaandau eenjit gadhan nilii ts'at guuhanh ts'at guujidh guk'anahtyaa eenjit nilii. Eii t'ee zrit Antoine zrit Caroline Kendo oonjik ts'at nihkha tr'uunin 14 geedi'in'. Eii khau guuzhik, Antoine zrit vizhehk'oo gwuuzii gwitr'it t'agwah'in' khyah t'ah'ii k'ughe', dachan yeedi' Inuvik gwits'at khoo tahlak, ants'at gwavan gwahtsuii geenjit guk'yaanjik, dachan chyaa ts'at tr'uunjii unli' ts'at uitsu khau juuk'an' srinayilu eenjit gwitr'it gah'eedanda'.

Antoine zrit usrits'at jidii ah'eedanda' zrit, nekhwek'yuu oonoo dai' guuk'it ts'at dachan tat nits'oots'at adagwidaandau geenjit guk'yaanjik.

Viyuughwan kat ts'at anjoo kat gwik'ughe' jii tthak guk'yaanjik ts'at duuyeh high school gwizhit uudi' ts'at dineht'eh guts'an ahtsuii kwaa guugaa zrit dachan tat nits'oots'at adagwidaandau gwuuzii gahdandau geenjit shoh nilii.

Nahgwan gwanoo gwats'at zrit Antoine srugwandau kwaa geenjit nuunzhit kwantat gwats'at khaihtak gwahtsuii kwaa. Guugaa zrit shin gwitak gwinyaanch'uu zrit Tsugehtshik gehkhee gooluk deek'it danh gwa'an Caroline hah t'uunch'uu ts'at nijin gwizhit Antoine uutsik ahtsuii. Tr'igwidu hah, May 7, 2002 dei' Antoine khaanh ts'at nanuindhat. Juudin vahdandau nat too hah vanunji'gadhat.

Antoine (Tony) Andre

Antoine zrit tr'uunin nilii dai', viyuughwan kat hah yi'eenji' Tsugehnjiga nji', Gyuu Dazhoonjiga gwa'an, yee'ok Khau Luk ts'at yeenji' Dachan Choo Gehnjiga akoo ts'at yeedi' Ehdyeetat gwits'at naginunjiil ganadhandau. Ezhik dai' vagwich'yaa zrit dazhoo ik ts'at dazhoo thal zhidhi'yuu. Gwiint'oo ditshuu ts'at nuidhaa ganaldau nuh. Usrits'at natsal dai' gwuuzii a'aa ganadhandau. Geh, igii, dinjik, izhee', dats'an ghar', nilii gau chan ts'at geetak zrit shin dai' divii tthai' usrits'at vagwaandau.

Viti' zrit gayuunilyin au gehkhee ts'at vizhehk'oo eenjit gwiint'oo gwitr'it t'agwah'in' ts'at vagwijah't'oo ganadhandau Antoine nuh. Viti' zrit juu didiimu', "Shidinji', jidii t'ishi'ii, nits'oots'at gwitr'it t'agwi'ii, nits'oo nilzree, nits'oots'at shizhehk'oo k'anihtii, jii tthak nindaa akoo t'ishi'ii gahuindandau geenjit. Nanh chan akoo t'indi'ii jii' nanh gwik'it gwitr'it t'agwah'ya ts'at nizhehk'oo eenjit akoo t'ahuindi'yaa ts'at gwiint'oo gwitr'it t'agwah'ya nizhehk'oo gwuuzii t'agiheech'yaa geenjit. Shik